

# Communicaziun a las medias BCG

## La Banca Chantunala Grischuna lantscha in nov fond d'investiziuns en aczias

Cuira, ils 7 da zercladur 2016 – La Banca Chantunala Grischuna (BCG) lantscha ils 10 da zercladur 2016 il fond d'investiziuns en aczias «GKB (CH) Aktien Schweiz». Quest fond administrà activamain da la banca investescha exclusivamain en interpresas svizras. L'intent d'investiziun è da cuntanscher in surpli da rendita en cumparegliaziun cun il Swiss Performance Index (SPI).

Il nov fond d'investiziuns en aczias da la BCG s'adatta per investiders che vulan investir en il martgà d'aczias svizzer, ch'èn interessads d'augmentar il chapital e che han in orizzont d'investiziun a lung termin per pudair tegnair pitg a fluctuaziuns da valor e da rendita. Ins po acquistà quest portfolio diversifitgà ed administrà activamain gia cun pitschens imports e segnar u returnar mintga di las parts dal fond.

Per l'administraziun dal fond po la Banca Chantunala Grischuna recurrer a l'experientscha da plirs onns da spezialists interns che mainan cun success dapi il 2011 portfolios d'aczias cun titels singuls. Criteris selectivs impurtants èn la qualitat e la valitaziun sco er il svilup dal curs e dal gudogn d'ina interpresa. Il fond vegn realisà cun 20 fin 30 titels singuls. La BCG verifitgescha quels cuntinuadamain ed als adatta per regla mintga mais.

Ulteriuras infurmaziuns davart il nov fond «GKB (CH) Aktien Schweiz» èn disponiblas sin [gkb.ch/web/privateanlegengkbaktienfonds](http://gkb.ch/web/privateanlegengkbaktienfonds).

### Contact per collavuradors da medias ed investurs:

Banca Chantunala Grischuna, Medias & Investor Relations, Chascha postalà, 7002 Cuira

Thomas Müller, [thom.mueller@gkb.ch](mailto:thom.mueller@gkb.ch), telefon +41 81 256 83 11

Plutarch Chiotopulos, [plutarch.chiotopulos@gkb.ch](mailto:plutarch.chiotopulos@gkb.ch), telefon +41 81 256 83 13

La Banca Chantunala Grischuna sin:

[gkb.ch/medien](http://gkb.ch/medien) | [Twitter](#) | [Facebook](#) | [YouTube](#) | [Flickr](#) | [Xing](#)

---

#### Banca Chantunala Grischuna – il leader en il Grischun

La Banca Chantunala Grischuna porscha tut quai ch'i' dovra per ina banca universala moderna – per persunas privatas, l'economia ed il maun public. La banca occupa 1'052 collavuraturas e collavuradors (stadi dals 31-12-2015). En il chantun Grischun cun sias numerusas vals e pliras linguas, è l'interpresa represchentada cun 61 agenturas, la sedia principala sa chatta a Cuira. La Banca Chantunala Grischuna è participada a la Banca Privata Bellerive SA a Turitg. En il quint annual preschenta ella cun ina summa da bilantscha da CHF 23,284 milliardas in gudogn dal concern da CHF 168,2 milliuns. Il scrit da participaziun BCG è quotà a la bursa dapi ils 10 da settember 1985.

#### Termins

Rendaquint semestral 2016:	29 da fanadur 2016
Quint annual 2016:	10 da favrer 2017
Radunanza dals participants:	8 d'avrigl 2017